

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
ZENICA
Broj: T04 0 KT 0047037 22
Zenica, 25.10.2024. godine

OPĆINSKI SUD U ZENICI
- Sudiji za prethodno saslušanje -
Z E N I C A

Na osnovu odredbe člana 45. stav 2. tačka i) i odredbe člana 241. stav 1. Zakona o krivičnom postupku Federacije BiH, p o d i ž e m

O P T U Ž N I C U

Protiv:

A. M., neosuđivan,

što je:

tokom mjeseca septembra 2021. godine, u Zenici, ugrozio sigurnost B. S. i njegove porodice na način da je nakon što je sa svog Facebook profila „A.H-“, ID broja 1..., kreiranog sa adrese 2..... na Facebook stranicu „Spotted: Zenica“ postavio poruku sadržaja „Može anonimno: Samo da napomenem vozača ... da je prošlo dvije godine otkako mi je na željezničkoj stanici izbušio gume...pratim svaki njegov pokret (S.B.)... vidimo se uskoro..š“ kao i fotografije ispuhanih pneumatika putničkog motornog vozila, a objavlvenu poruku i fotografije vidio oštećeni B. S. koji mu se putem aplikacije Facebook Messenger obratio riječima „Kome ti prijetiš na spottedu, ko si ti da nekom prijetiš. Ako nisi znao za prijetnju se u muriju ide“, oštećenom sa IP adrese 3..... dodjeljene od strane operatera BH Telecom Sarajevo uputio ozbiljnu prijetnju riječima „Je... ti djete kopile jedno...sjecas se ti fino papcino zenicka da si mi isjekao gume... djete ti j...m..cuvaj me se..znam u gdje stanujes..gdje ti djeca idu u skolu i gdje treniraju..pratim svaki pokret tvoj..bice krvnicka osveta Je...m mater i tebi i muriji...pogledaj se kakav si ruzan“, nakon čega je promijenio naziv Facebook profila u „M....“, iako je bio svjestan da će ovakve njegove riječi kod oštećenog izazvati osjećaj straha i nesigurnosti, što je i htio, koje prijetnje su kod oštećenog B. S. ugrozile osjećaj sigurnosti, izazvale strah, osjećaj uznemirenosti i bojazni za njegov život, ali i život njegove porodice,

dakle, ozbiljnom prijetnjom da će napasti na život i tijelo više osoba ugrozio njihovu sigurnost i izazvao osjećaj uznemirenosti i straha,

čime je počinio krivično djelo Ugrožavanje sigurnosti iz člana 183. stav 2. KZ F BiH.